



প্রধানমন্ত্রীরদপ্তর

ফ্রান্সের প্রেসিডেন্টের কূটনৈতিক পরামর্শদাতা সাক্ষাৎকারে মিলিত হলেন ভারতের প্রধানমন্ত্রীর সঙ্গে ফ্রান্সের প্রেসিডেন্টের কূটনৈতিক পরামর্শদাতা মিঃ জ্যাকুইস অডিবার্ট বুধবার এখানে সাক্ষাৎ করেন ভারতের প্রধানমন্ত্রী শ্রী নরেন্দ্র মোদীর সঙ্গে।

Posted On: 19 JAN 2017 12:10PM by PIB Kolkata

ফ্রান্সের প্রেসিডেন্টের কূটনৈতিক পরামর্শদাতা মিঃ জ্যাকুইস অডিবার্ট বুধবার এখানে সাক্ষাৎ করেন ভারতের প্রধানমন্ত্রী শ্রী নরেন্দ্র মোদীর সঙ্গে।

মিঃ অডিবার্টের সঙ্গে সাক্ষাৎকারকালে শ্রী মোদী ২০১৫ সালে তাঁর ফ্রান্স সফর এবং ২০১৬-তে ভারতের সাধারণতন্ত্র দিবসের অনুষ্ঠানে প্রধানমন্ত্রী হিসেবে ফরাসী প্রেসিডেন্ট মিঃ ওল্যাঁদ-এর এদেশ সফরের কথা স্মরণ করে বলেন যে, এই বিনিময় কর্মসূচি দ্বিপাক্ষিক সম্পর্ককে ভবিষ্যতের লক্ষ্যে আরও নিবিড় করে তুলতে সাহায্য করেছে।

শ্রী মোদী বলেন যে, ভারত ও ফ্রান্সের দ্বিপাক্ষিক সম্পর্ক প্রতিরক্ষা, মহাকাশ এবং অসামরিক ক্ষেত্রে পরমাণু সহযোগিতার গভী অতিক্রম করে সন্ত্রাস দমন, নৌ-নিরাপত্তা এবং পুনর্বীকরণযোগ্য জ্বালানি সহ আরও বিভিন্ন ক্ষেত্রে প্রসার লাভ করেছে।

আন্তর্জাতিক সৌর সমঝোতা গঠনের উদ্যোগকে জলবায়ু পরিবর্তনের মোকাবিলায় বিশ্ব প্রচেষ্টার এক বিশেষ দিকচিহ্ন বলে বর্ণনা করেন ভারতের প্রধানমন্ত্রী। এই উদ্যোগকে সমর্থন ও সহযোগিতা করার জন্য ফ্রান্সের বিশেষ প্রশংসাও করেন তিনি।

প্রসঙ্গত, স্মার্ট নগরী, নগর পরিবহণ এবং পরিকাঠামো উন্নয়নের মতো ক্ষেত্রগুলিতে আরও বেশি মাত্রায় দ্বিপাক্ষিক সহযোগিতা প্রসারের আহ্বান জানান তিনি।

(Release ID: 1480825) Visitor Counter : 3

Background release reference

ভারত ও ফ্রান্সের দ্বিপাক্ষিক সম্পর্ক প্রতিরক্ষা, মহাকাশ এবং অসামরিক ক্ষেত্রে পরমাণু সহযোগিতার গভী অতিক্রম করে সন্ত্রাস দমন, নৌ-নিরাপত্তা এবং পুনর্বীকরণযোগ্য জ্বালানি সহ আরও বিভিন্ন ক্ষেত্রে প্রসার লাভ করেছে।

